

李文恭公遺集

李文恭公詩集卷八目錄

湘陰李星沅石梧著

男

榛 桓 梳

編次

七言絕句

八月初五夜成都見月二首

九月十三日強夢圃司馬

望泰

偕舒

翼

劉石

麓

端

郭古樵

彬圖

書碩農

昌

華香谷

廷標

陳覺

民應聘

汪虹橋

耀文

陶梅林

春元

唐二羅

金鑑

黃巽甫

懋祺

徐畏存

寶森

張文庵

炳

諸明府小

集薛濤井

二首

柬朱雲岑

三首

題蔡靜甫漢州紀事詩後

二首

利州東成都諸先生

二首

郭汾陽祠

過易水

白河戲柬許吉齋

題張茶農槐根小築圖 二首

題姚心蓮杏花春雨圖 二首

題鄭雲麓觀察笠屐圖 二首

答郭六芳女兄寄懷 二首

題許賓衢集文選句 二首

題鄭雲麓啖荔雅集圖 二首

又題花朝憶夢圖 二首

過電白縣溫泉寺小憩 二首

寄六芳女兄

題蔣心餘前輩藏園養疴圖 二首

題黃蓉石元符硯圖 二首

贈別胡煥農丈 二首

贈別羅芝麓 二首

對月懷環碧園兼柬蔡雲士前輩 二首

樂昌道中 二首

題畫 八首

題沈石田楚江清曉圖 三首

題秋花子母雞圖 二首

題郭南坡琴鶴圖 二首

雜憶詩 并引四十二首

臨清舟中清明 二首

題武小原雪意圖 二首

又一絕句解嘲

再疊前韻寄雨樓

三疊前韻

四疊前韻

倒疊前韻

偶閱李夢韶前輩楊柳枝詞悵然有作

四首

題富海帆中丞松陰補讀小照

四首

自題小照寄仲弟

二首

題姚湘坡讀禮圖

題汪孟棠廉訪南園圖

二首

枕上

東梁茝鄰中丞

二首

題龔木民司馬清笳畫角看荊州圖

一首

題于蓮亭前輩茅山紀游詩卷

對月

二首

過湘陰示館人

和煨農丈贈詩

二首

黔南道中雜詩

十二首



贈高郵畫士沈雲巢

自題石梧圖時方兼督南河

二首

題法可菴觀察瀝羅菴詩集

二首

自題望雲圖

戲成

二首

柬湯雨生侯青甫

二首

題湯太翁飲酒讀騷圖

江行卽景

六首

武昌口號

荊口驛端午

舟中兀坐遣悶

二首

石頭關

題鄧湘皋廣文所藏松堂讀書圖

四首

題楊蕉雨觀察平糶圖

二首

題鄧小耘雪堂聽雨圖

二首

和女甥仙蕖韻

四首

對月東雨樓 二首

花朝疊前韻 二首

和雨樓病中代東韻 二首

和芝樵花朝見訪韻 四首

戲東雨樓

洪恩寺

磁州道中

鄆城書院中榴花四株嬌姘可愛夏初過此小坐

今不復見矣戲成一絕

僕從多墜馬者口占示之

題畫士黃獻廷擾靜圖

二首

又題寒香課子續圖

二首

東熊雨樓卽疊和無字韻時雨樓將移館定王臺  
也

四首

雨樓以移館詩柬季眉依韻答之

二首

前詩意有未盡書此續柬

二首

湘潭口號

曉行

永福舟次

上元卽事

二首

李文恭公詩集卷八

七言絕句

八月初五夜成都見月

斗牛宮畔一槎浮，偏作離人五夜愁。只有姮娥知此意，

玉鉤半挂錦城秋。

纖纖清影上階遲，宛肖橫雲却月眉。那得閒情繪新樣，  
白袍鵲立已多時。

九月十三日強萼園

望泰

司馬偕舒

翼

劉

石麓

端

郭古樵

彬圖

書碩農

昌

華香谷

廷標

陳覺民

應聘

汪虹橋

羅文

陶梅林

春元

唐二

羅金鑑

黃巽甫

懋棋

徐畏存

寶森

張文庵

炳

諸明府小集薛濤井

白石清泉引鹿盧酒香冉冉墮菰蒲二分流水三分竹

絕好山人補屋圖

枇杷花影暮秋垂十樣鸞箋豔掃眉今夕吟詩樓上月

阿誰投筆憶微之

東朱雲岑

團雪因緣太角張神交已是十年強夢中先識君顏色  
落月分明照屋梁

涼秋並馬入袞斜大好開尊數鬢華却閉帷車作新婦  
屏星咫尺卽天涯

猶幸臨歧復少留紅亭白舫快同游天公亦解相思劇  
錦水千重爲浣愁

題蔡靜甫漢州紀事詩後



蜀中治行表無雙士氣蒸蒸俗漸龐金雁石犀一渠水  
他年應號使君江

新詩許我共披吟紀述微傳撫字心昨日輶車過廣漢  
萬枝翠栢認棠陰

利州東成都諸先生

秋雲一笠聚詩龕小酌邨筒酒半酣可惜草堂留未得  
昨宵猶夢百花潭

芙蓉城郭翠微間回首清游隔萬山載得相思度秦棧

計程明日七盤關

郭汾陽祠

靈武中興一髮延檻車  
早識令公賢如何金甲班  
師日不奉清尊拜謫仙

過易水

蕭蕭易水夜烏啼  
半載游蹤感雪泥  
去日定州城外路  
藕花香過小橋西

白河戲柬許吉齋

時自湖南使旋

天風吹下步虛聲爲報仙人返玉京却對白河獨悵悵  
月明不見許飛瓊

題張茶農槐根小築圖

燕臺跌宕老名場十載勾留卽故鄉今日一官游嶺海  
晚衙依舊笑槐忙

倚樹敲詩靜夜分天南我亦悵離羣披圖忽憶長安月  
半展吟窗坐綠雲

題姚心蓮杏花春雨圖

縱陽回首畫圖間  
茅屋清吟總不閒  
未免春光太辜負  
杏花消息念家山

莫唱江南學士詞  
又從粵嶠話相思  
五年厯亂瀟湘夢  
可憶連牀聽雨時

題鄭雲麓觀察笠屐圖

笠屐風流今宛然  
又持藜杖入南天  
不知春夢婆存否  
詩局滄桑七百年

儋海重游亦夙因  
坡仙安見我非真  
逢君欲博掀髯笑

五戒當前幾化身

答郭六芳女兄寄懷

瘴雲渺渺隔長沙  
獨倚闌干數月華  
莫爲阿兄愁遠客  
一般骨肉聚天涯

使卒常畏簡書催  
那得閒親翹秀才  
只有離心太顛倒  
隨風飛過鳳凰臺

題許賓衢集文選句

偶傳編貝仍嫌俗  
便演連珠亦費才  
輸與針神駕繡巧

天衣無縫稱身裁

璀璨霞明大海秋  
六朝金粉一囊收  
維摩瞥見應傾倒  
細燕名香供選樓

題鄭雲麓啖荔枝雅集圖

側生三兩綴枝頭  
口福曾經蜀國游  
十六年來香不散  
太真風味在涪州

豔說紅雲款客時  
炎交偏恨我來遲  
明年試訪城西路  
重坐桐陰啖荔枝

又題花朝憶夢圖

寂寂花時靜掩門  
二分明月易黃昏  
瑣窗一掬傷心淚  
翠袖金尊有夢痕

粉斷香消廿四年  
多情奉倩尙淒然  
春風細雨江南路  
不到花朝亦可憐

過電白縣溫泉寺小憩

人高涼小坐榕陰話  
夕陽暢好春風二三月

頗歎南交勝地偏溫泉  
鑿石幾人傳驪山月上秋無睡  
洗足華清又一年

寄六芳女兄

畫閣寒消九九天梧笙庭院夜悠然  
知君雅愛梅花月爲助清吟寄酒錢

題蔣心餘前輩藏園養疴圖

丙申除夕

獨樹家園自在春蕭然一疏乞閒身  
謝安不肯東山出畢竟蒼生惜此人



披圖重話魯靈光  
官燭高燒歲事忙  
老屋數椽花四壁  
昨宵我亦夢還鄉

題黃蓉石元符硯圖

儋耳荒寒玉局祠  
昨游瓊海寄相思  
重逢遺研尋春夢  
想見掀髯潑墨時

眞知猶幸得黃香  
回首元符事渺茫  
我願論交如此石  
與君簪筆上明光

贈別胡烺農丈

鉞指歡迎大導師兩年炎嶠快搜奇將離却笑歸裝重  
添得東坡海外詩

山水同參文字因片帆分挂曲江濱城南觴詠應相憶  
我亦桃花社裏人

贈別羅芝麓

兄弟情親已半生蠻鄉判袂楚雲橫解人替祝科名草  
早慰相思賦北征

勞薪振觸感華顛倦鳥高飛只自憐一語煩君寄阿姊

他年溫藥有鬚然

對月懷環碧園兼柬蔡雲士前輩

片帆開處卽天涯  
回首仙湖未是家  
老鶴不知歸思緊  
重邀清夢話梅花

竹石參差入畫圖  
新題今又屬嵇蘇  
問君豔雪亭前月  
縞袂相逢憶我無

樂昌道中

範水模山有唱隨  
牙牙兒女亦吟癡  
篷窗烟水差無負

只恐塗鴉阿母嗤

載石沈香信可師傳聲  
鷗鷺莫猜疑綠林豪客應知我  
萬里歸裝數卷詩

題畫

飛鳥閒雲共往還凌空時露碧孱顏  
夕陽欲落松杉靜  
此是吾家嶽麓山

蒼蒼獨樹出深叢蘆葦如烟壓短篷  
曉起忽從天上坐  
春江消受一帆風

浮嵐軟翠護柴扉漸覺雲陰霽四圍漁父不知天欲雨  
小船徐載酒香歸

垂楊疏影隔畦橫鳩婦連朝只喚晴稍喜今年田水活  
桔槔聲裏話春耕

分明冷玉潑龍湫結伴敲詩坐石頭嶺海舊游渾不忘  
萬峯飛雪上連州

湖光滉漾浸瓜皮一葉沈浮任所之立腳始知高處穩  
塔燈紅照白魚岐

峭壁藤蘿長雨餘芭蕉分綠上衣裾奚童未解看山色  
獨向苔磯學釣魚

石徑從無屐齒痕淡烟喬木自成村幽人長日枕書臥  
只許白雲來叩門

題沈石田楚江清曉圖

回首湘流卅六灣翠鬟排闥有君山宦游何處尋鄉夢  
却在先生圖畫間

萬重雲樹繞湖天曉色蒼茫落眼前大好溪山不歸去

楠香清冷洞庭船

萼膾秋風計尙遲寫真還倩石田師  
烟波我願浮家住  
漆箇樵青捧釣絲

題秋花子母雞圖

棲塢亦解稱梁謀子母朱朱夕照幽  
野鷺可知田舍景  
半園花竹一籬秋

鶴立原無爭食思五年待漏鳳凰池  
於今風雨山南道  
長憶雞人報曉時

題郭南坡琴鶴圖

怕見炎官火繖紅  
神交差喜盍簪同  
半庭梧影數竿竹  
畫裏依然清獻風

宦游五載又秦關  
馬磨催人苦不閒  
安得從君手吟卷  
抱琴看鶴對青山

雜憶詩 并引

出門惘惘死別悠悠路極悲  
長宵沈夢短眷念之子迴隔窮泉追維生平倏同昨日酒熟



香溫之候髻影徘徊風淒月冷之間唵聲彷彿鳥猶共命人乃不如石果能言天應再問強抒雜憶永矢孤懷歷千萬億化身難消此恨得四十二絕句如生之年想倩女離魂幾臨池而欲活當黃門隕涕忍擊缶以埋憂道光巳亥二月督運丹次書

百歲夫妻委逝波便教百歲待如何歡塵愛海都無著終古淒涼薤露歌

笙愉亦云人無千歲好花無百日紅予以爲非吉祥語嘗相勸戒

微之貧賤境何堪孺仲牛衣顧影慙祇怪天公欠公道

廿年同苦不同甘

笙倫以戊寅冬來歸戊戌冬下世俄頃二十年炎艱苦備嘗安之若素

自君歸日賦宜家詩卷排比簇茜紗晴雪滿窗香不斷

合歡新詠水仙花

笙倫初以詩質予顧案頭水仙數枝香沙冰雪入春猶花遂疊韻唱和

花開並蒂各爭妍燭影搖紅擘綵箋故說無鹽供一笑

君才未必李青蓮

予催妝詩云又要青蓮分綵筆鏡臺添箇女門生戲贈詩云天生女學士

可惜是無鹽笙  
偷時以爲笑

妝樓重問雨湖春往復匆匆隔幾旬一樣離愁拋未得

相思羞對月中人

笙倫甫選湘潭予有句云欲把相思訴明月月中人恐笑郎癡計才兩月

之別耳

孝養常邀

阿母憐幾令娣姒妬恩偏解人即是忘憂

草屈指先誇家婦賢

笙倫性溫婉善伺阿母意偶有緩急立檢嫁衣付質庫料量家事

口不言貧

負米艱難正少年風飄雨泊向東川牽衣爲誦新婚別

直恐啼魂化杜鵑

予始橐筆輒遠走巴渝萍浮經歲笙倫請札月數至慰勉甚殷

資陽小住上壺頭日極天涯數倚樓寄遠不堪尋斷句

萬山何處是辰州

末句即館沅陵時  
至偷見懷之作

蠻雲如絮糝征驂  
臘尾勾留計總非  
好趁梅花傳驛使

載將春信倩郎歸

客西陽初擬留館度歲  
至偷寄一絕  
云梅花香到簪花閣  
何事天涯人未

歸予遂命

棹反省

浮名奔走又春官  
三度槐黃上計難  
匱勉一身兼子婦

晨昏爲我勸加餐

予每北上應試  
阿母輒指筆偷曰  
是能代兒侍養但  
勉圖進取毋以內

懷  
顧爲

偶值天荒硯畝秋  
城東賃廡不知愁  
定王臺畔三更月

線影書聲共一樓

予僦居城東距黃花園數武小樓  
凭眺寫韻鋪箋家無儋石泊如也

唾壺血濺悄無言藥裹圍爐永夜溫  
愁煞嘔心昌谷病

枕函長自濕啼痕

予自丙子咯血後歲患  
一二次笙愉心切憂之

我疾方瘳君疾連香緘衣縫刺纏綿  
女嬃言語分明記

濃福清才要兩全

戊子七月間笙愉喉痛久且失聲肝  
火燥不可制大姨六芳垂涕勸之小

病遣難去如香時在  
衣笙愉病中句也

靜裏琴書強護持天寒九月授衣遲  
篝燈自要忙刀尺

又是嬌兒索乳時

笙愉一女三子皆不假乳嫗躬  
自撫育以養以教至於成人

漸喜沈疴去不留  
驚盟叢裏快賡酬  
金梭倦乞天孫巧

但乞聯吟到白頭

庚寅七夕笙愉酒間謂予曰乞天孫無他願齊眉永好耳今卒不可得矣

思之  
泣然

薇幕深嚴弟子師  
朝朝眠食問相宜  
神仙烟火長供奉

餉塾還兼清脆詩

館湘藩四年笙愉數治神仙肉或家蔬相餉予有九載自諸郎食性箇中

清脆似饌

詩之句

聞道簪毫入翰林  
珍珠小字報泥金  
朝冠端正雙眉展

不負吾翁選壻心

予壬辰館選笙愉馳書爲賀云老父當日閱君文輒許爲玉堂人物今果

然矣

翹首春明路渺漫乍銜慈命理征鞍關山兒女親提

挈半爲持家半作官

笙愉癸巳冬攜兒女入京路通貨幣跋涉殊苦

米貴長安亦易居庭槐搖影坐修書皇華西指三川道

日辦清吟和使車

予甲午使蜀間有題詠笙愉必依韻馳和計日可待

攜家並策嶺南輶皖樹廬烟萬里遙險絕黃梅城下路

驚魂欲向水邊招

乙未秋笙愉從宦粵東過湖北黃梅縣車墮渠中幾沒於水既而大病遂

成疾飲時愈時發

墨錦鋪陳九曜池蝶衣晒粉燕穿絲一園花柳添顏色

越女爭歌環碧詞

粵使署有環碧園累九曜石爲池花竹極盛笙愉侍母遊讌得八絕句

中刻圖

青簾白舫下瀧同指點昭潭夕照紅老屋低徊不留宿

布帆催送大江風

試粵既竣笙愉同舟南旋下韓瀧度郴嶺眺衡嶽酬詠無虛日至湘潭小

泊過存其家會月明風利揚帆夜行笙愉流連不能去

錦旌將母慶團圓春讌圖成獻歲先最是吾家全盛

日花繁三月中天

予以丁酉嘉平偕笙愉歸省時大兒新娶婦諸弟諸姪及姊妹甥女



歡集春觴談笑竟日阿母顧而樂之曰此真塞破屋子矣

長辭頓覺語辛酸含淚登輿慘不歡驛步門前數延佇

偏逢祖道白衣冠

戊戌正月杪挈眷北上臨別淒然出西門有送殯者當路笙愉厭之

北轅臨發太郎當主婢羞池信不祥除却伶仃嬌女在

生還無伴到襄陽

二月二日車發樊城笙愉訓婢頗怒婦輩屏息予心訝其不祥一年之中

笙愉怛化長婦繼逝雨婢亦夭折所有者一女適何氏耳幾之先見乃若此耶

黃河渡口競分馳驀入秦關領一麾京國嫁衣全累汝

癡心惟望作門楣

予渡河先行隨之漢中笙愉留京治一女僮具豐儉中禮

量移天似爲魚軒小別光陰瑣碎論預擬梁園風雪夜

安排浮白倒金尊

予以九月二日抵汴笙愉旋自京來官閣清尊劇談忘倦且及餞歲之樂

興致益豪

咫尺繁陽數起居詩緘重疊付雙魚關心弓樣初三月

誤說歸期苦盼予

予督兌水次未六旬笙愉時以書速歸至臘月十一抵署猶及初三之訊

何以誤傳使人盼切

盼得歸來忽涕洟佳兒佳婦命垂危中男亦是支離臥

何處重尋盧扁腎

先是笙愉喉痛一藥而愈大兒夫婦病遂劇次兒亦同病三冬無雪鬱爲

瘟邪家運顛  
連乃當此厄

無昏無旦倚兒牀七日憂疑百體傷病起祇知兒幸免

那知汝病已膏肓

十六日兒輩病稍緩笙愉始覺身痛醫者診脈言積寒主疏散不意爲絕

症也

一呼悲咽淚先乾執手迷離欲語難石火電光無此速

日中猶是共盤餐

十七日已刻同飯至申酉之交甫自外入聞呼石梧聲甚迫亟往視而舌

已嬌矣痰迷氣結共神先亡傷哉

昨吟冷翠遞詩筒旖旎情深屬和工墨跡尙新人又杳

鸞飛春盡玉臺空

笙偷得予治翠詞先復二句云不堪讀到傷心處綺語纏綿有淚痕既而

次第和寄曾不匝月而悼逝者又爲人悼慘何可言

一場幻劫五更鍾從此人天幾萬重何事見予可憐色

棄捐未肯少從容

笙偷疾作之前日忽顧予言昨見君有可憐色何也於序惟笙偷憐我乃

遽舍我以去世無憐我者矣

緣業徐參來去因本無人相可傳神眼波眉黛俱黃土

恨不生前爲寫真

笙偷貌豐腴視短眉皺屢欲命畫工爲寫小照未果

妖夢中宵兆斷蛇已形占驗了無差生同年月不同死

苦海浮沈未有涯

臘月朔笙綸夢蛇在手一麾而斷即占爲已命當絕予亦已命生且同月

何以鬼然獨存殆不可曉

汝婦追隨汝見無娉婷泉路好將扶郭家閨秀真淒絕

三代詩傳一月徂

長婦智珠後十六日而沒婦卽笙綸女姪亦工詩

家難都緣我數奇才多命薄愴蛾眉試拈繡闥長生訣

大半東施沒字碑

古來才媛少厚福笙綸才且賢亦止於此造物忌才雖女子將不免何止

爲笙綸哭也

偕隱頻年憶故鄉靈兮歸去恨茫茫可知凶問遙傳日

白髮

慈姑淚萬行

笙愉聞麓山勝概比常相約歸隱  
母課子觴詠自娛視人間富

若貴若無  
足當意者

眼前歡笑轉傷神楊柳櫻桃不算春  
怊悵雙鬟緣太淺

只容三月侍夫人

笙愉入汴後待妾媵益和予示妾詩  
云珍重學詩兼學繡汝生何幸侍夫

人蓋紀  
實也

絮語家常搦管餘愛君尺素比瓊琚  
於今怕接平安信

不見簪花小閣書

笙愉貽書必詳悉予每  
展玩再四不忍釋手

零縑碎佩舉家珍石印同心護惜頻  
詩友長眠詩事斷

停杯覓句更無人

笙憐嘗取石梧詩友小即佩以自隨性喜吟事宦游病臥不少輟

紅塵無夢訪瑤京地久天長是此情寄語畫眉今絕筆

被瑯偕老訂他生

笙憐嘗儼作此圖以要白首乃比翼中折願望徒虛他生未卜此生休然

不忍不卜他生也笙憐有知想當首肯

### 臨清舟中清明

村落人稀自禁烟亂山深處有啼鵲驚心第一清明節

滿路楊花散紙錢

綠波碧草障黃埃客况蕭條亦可哀萬柳圍前數行淚

春風吹不到泉臺

題武小原雪意圖

老樹槎枒凍雀翻濕雲一片擁荒村  
酒兵詩社都拋却只許梅花香到門

水天蕭瑟幾間身烟墨相如感舊因  
莫問鷗坡亭外雪玉窗畫竹已無人

又二絕句解嘲

一笑天公總不平今年河北雪盈盈  
田家鼓舞官家歎



遲我糧艘幾日程

漳水無情觸衛河久聞鼙鼓役夫多如何十丈白羊塢  
猶唱秋風瓠子歌

再疊前韻寄雨樓

生憎臘鼓報嘉平小別依依月又盈鎮日催租敗詩興  
雪窓莫便算歸程

那得情瀾竭愛河夜長燈小漏聲多鶴眠無夢鴉啼冷  
忍唱朝飛牧犢歌

三疊前韻

如煞梁園筍價平况兼新釀碧甌盈  
開心載酒堂前醉  
那管山程復水程

風不吹晴轉凍河殘年雨雪爲誰多  
索居無事堪消遣  
日唱三郎得寶歌

四疊前韻

鍊石心難學廣平夜闌燒燭淚盈盈  
尋君更續梅花夢  
知隔羅浮路幾程

量沙萬億指恒河我爲情塵歷劫多一種淒涼斷腸曲  
曼聲好付翠兒歌

倒疊前韻

多謝先生監酒程  
芻香依舊甕頭盈  
策勲許作醉司命  
口福同消心秤平

酒酣拔劍忽高歌  
好友如雲聚散多  
怕說槐忙春信早  
又催征棹渡黃河

自藏紅友勝烏程  
肯讓高陽谿壑盈  
斗酒仙才故無恙

要須沈醉賦清平

知君聽唱打春歌  
振觸鄉心客裏多  
爭得茂陵消渴疾  
湘江一帶卽銀河

偶閱李夢韶前輩楊柳枝詞悵然有作

第五橋邊慘綠垂  
不曾相見亦相思  
桃根桃葉偏多妬  
怕逐流鶯上柳枝

生遣柔條委路歧  
當關老樹太支離  
只愁合德春憔悴  
如夢如烟泣柳枝

除却東風欲嫁誰  
黛蛾懶自畫雙眉  
銷魂又是三年別  
忍向河間憶柳枝

寂寞章臺學舞遲  
小蠻空負好腰肢  
我來早悟沾泥絮  
無復閒情問柳枝

題富海帆中丞松陰補讀小照

旌節花開二十年  
儒生面目故依然  
荷衣未脫芸香滿  
翠瀉秋陰石磴圓

思補心殷退食餘  
琅琅清韻繞庭除  
老松似解低頭聽

此是臯夔舊讀書

東南萬族擁朱軒西控函關鼓角喧  
半部功成笑眴眴治平不在五千言

兩度追陪快撥雲樹根小坐卽論文  
一篇更乞陰符秘

擘畫龍驤海上軍

時嘆夷游奕  
浙海戒嚴

自題小照寄仲弟

回首天南奉使時書生本色荷

恩知六年宦蹟渾如舊老態俄添頷下髭

李文恭公詩集

卷八

七言絕句

三

寂寂桐陰兀坐身  
鏡臺硯匣久生塵  
悔當環碧園中月  
不畫凭肩覓句人

故我今吾止自憐  
漸疑阿堵爲誰傳  
昨宵春草池塘夢  
一笑披圖認阿連

題姚湘坡讀禮圖

忍賦莠蒿蓼蓼生  
苦蘆一片白雲橫  
三年泣血無人見  
紙上惟聞風木聲

題汪孟棠廉訪南園圖

萬頃湖光一鏡開  
水南村舍倚天臺  
山梅香鶴影渾無  
恙  
早盼先生歸去來

吾廬未卜宦游輕  
絮話家山亦有情  
安得相攜入圖畫  
栖雲詩名飽聽讀書聲

枕上

絳雪新開小苑春  
昨宵喚酒幾逡巡  
東風忽送瀟瀟雨  
明月梅花解笑人

東梁茝鄰中丞



匆匆一棹過吳閫爲訪揚州萬柳堂  
兩度招游湖上路  
清吟可憶小滄浪

蘇臺風景故依然選勝還餘未了緣  
管取靈巖好山色  
新秋重醉老詩仙

題龔木民司馬清笈畫角看荊州圖

卅載巴渝紀客游  
彝陵南下有扁舟  
荆門雲樹曾相識  
一片江聲萬古愁

高秋鼓角夜鳴鳴  
剪燭重看舊雨圖  
題墨共君長太息

原缺

不覺秋霜上黑頭

沐猴恐類楚王笑  
牙蠹難齊韓相名  
差喜麓山能識我  
本來面目尙書生

黔南道中雜詩

仰躡層梯俯建瓴  
羊腸一徑繚空青  
楓丹竹翠紛無數  
細簇好山排玉屏

雞鳴關上月初生  
雞鳴關下灘縱橫  
奇鬼欲攫老人坎  
石側微聞鶴鶴聲

嵌空樓觀碧玲瓏兩岸人家圖畫中  
閒煞灘溪三洞月  
偏橋策馬又怱怱

水偏懸崖石倒垂  
鎧昏月黑五更時  
筍輿自在尋詩夢  
歷盡危途渾未知

鎮陽西上路崎嶇  
夜色微茫叱馭趨  
相見坡前不相見  
丹梯穩步有雲扶

寒宵九九影橫斜  
猗魴香濃透碧紗  
爭似黔南小春月  
瞻瓶開徧蠟梅花

釣橋低處倚霜脍淺渚萍黏漸欲冰小艇無人隨意泊  
一鈎冷月挂魚脣

山腰屈曲水彎環旆影螺旋夕照殷百道飛泉流不斷  
宛溪亭坐翠微間

重安江口碧于螺淦淦寒流曉汲多見說長官爭看煞  
銀圈椎髻唱苗歌

鐘乳何年結九葩月潭蕭寺暮烟遮飛雲巖石應相笑  
何不攜尊訪夢花

昨朝蒼峙含風穴  
今夕牢珠澹佛鐙  
絕好洞天難住腳  
萬山拱揖打包僧

攬勝曾聞甲秀樓  
城隅綽楔艷封侯  
牂牁險絕西南徼  
行省今題第一州

贈高郵畫士沈雲巢

生而龔啞

書中三昧畫中禪  
抗手揚風揖米顛  
欲問前因無口耳  
知君慧業自生天

自題石梧圖時方兼督南河

雲浦風颿擁節樓倦聽鼓角憶潭州書生本色常如昨  
石磴梧陰自在秋

蒿目東南獨慨予鯨波鴈澤幾躊躇古方不盡傳醫手  
且試添香靜讀書

題法可菴觀察漚羅菴詩集

衙鼓催人日未間車如流水牘如山妙香忽發漚羅詠  
坐我明漪快雪間

別思匆匆命酒降又從三泖泛吳艤乞將摩詰詩中畫

一路梅花送過江

自題望雲圖

白雲一片故鄉心  
稍喜平安報遠音  
親舍不堪頻舉目  
慈鴉返哺在寒林

戲成

載將春色向長沙  
小小烏篷不用遮  
絕勝米家書畫舫  
江南贏得數叢花

風姿畧似長官清  
歸計重諧水石盟  
待汝雙飛聯十翼



羽衣妙舞獻長生

東湯雨生侯青甫

岸柳依人水不流  
今宵牛渚獨維舟  
分明一樣西江月  
別有青天萬古愁

老懷振觸倍纏綿  
回首金陵隔暮烟  
安得綺裳登采石  
荒祠把酒醉青蓮

題湯太翁飲酒讀騷圖

讀騷飲酒寄閒身  
臨難從容爲殉親  
等是海壖狼豕突

一門忠孝有完人

江行即景

子規聲急雨淒淒  
早覺農田種未齊  
又著蓑衣忙割麥  
江潮昨漫大官隄

兩岸山光接水光  
數株垂柳間垂楊  
漁家晒網無人管  
留向村頭挂夕陽

蘆洲水淺岸無多  
酒店欹斜結小窩  
忽訝綠雲團白雪  
野花牽樹當藤蘿

紅牆蕭寺俯江濤下有危磯深復深老衲不知風浪惡  
背人捫虱坐松陰

彭澤依依浪作堆小孤山下片帆開篷窗午倦欲無睡  
研墨閒書歸去來

潯陽新漲拍天浮蘆荻無風意已秋今夕琵琶亭外月  
淒清不爲白江州

武昌口號

昨宵醉夢撻黃鶴曉起匆匆千里還樓上仙人漫招手

風帆已過大均山

荊口驛端午

連江風雨袷衣涼  
驛路誰傳角糴香  
不見村童簪艾葉  
幾忘今日是端陽

舟中兀坐遣悶

寂歷空江五月寒  
泝流真比上天難  
歸帆不借東風便  
且作浮家泛宅看

藥鑪茗盃日相於  
容與波閒意態徐  
差喜蓬窗無俗韻

一簾烟雨半牀書

石頭關

高臺突兀俯青山叱咤風雲事等閒  
愛說英雄爭赤壁江流怒擊石頭關

題鄧湘皋廣文所藏松堂讀書圖

廿年不見南村丈依舊蒼顏笑語溫  
老樹婆娑數椽屋孫枝今日又生孫

孤標千尺想平生坐對湘山煙水橫  
至竟髯兄風兒古

愛聽五代讀書聲

風雨對牀坡潁思耦耕資上鬢毛衰畫圖忍作尋常看  
太息如聞祖德詩

等身著述不彫心指點龍鱗歲月深芝草長生木交讓  
仙根無數傍松陰

題楊蕉雨觀察平獠圖

箐雨紅飛豸繡雄揮兵磨盾萬山叢夫彝一戰妖氛掃  
勝算先操帷幄中

丹綸翠羽倚長城  
湘渚齊深臥轍情  
却憶滇南同宦蹟  
雲回露布喜銷兵

題鄧小耘雪堂聽雨圖

蕭瑟橫江夢有無  
雪堂小住憶髯蘇  
天涯一樣彭城感  
又作山房第二圖

倦游我亦願歸田  
骨月分攜將卅年  
爲傍小窗種梧竹  
安排聽雨對牀眠

和女甥仙蕖韻

禪扉分付白雲關有佛無僧地位閒留與維摩參水月

妙蓮花只在人寰

水月林

結鄰東傍定王臺老樹欹牆雜柳槐回首卅年街口住

斜陽紅過蓼園來

定王臺

蘚砌參差護曲闌頗黎四照水光寒分明環碧園前月

無復簪花並影看

聽雨軒

甲乙親排樓上書肯拋心力註虫魚一枝高占雲巢穩

笑比鷓鴣得自如

海棠樓



對月東雨樓

半城罨畫半園花併入湘簾倩影斜  
一夜定王臺上月  
照人春思滿長沙

風流雲散幾魂銷秉燭清游太寂寥  
閒倚城東望城北  
可知明日是花朝

花朝疊前韻

早起關心爲惜花紅香低拂帽簷斜  
水東閒却數行柳  
小艇隨風漾碧沙

春衫重認酒痕銷強把金尊破寂寥忍憶梧笙舊聯句  
又牽長恨到花朝

和雨樓病中代東韻

攤書千卷裊茶烟咫尺能令別緒牽昨夢是君是蛺蝶  
萬花飛舞酒尊前

來詩有夢爲蛺蝶到花前之句

商量新霽展花朝病起閒愁一醉消佳會仍防風雨妬  
細拈心字暗香燒

和芝樵花朝見訪韻

綠陰深處認吾家。晝靜微聞白板撾。知是百花生日客。  
掀髯叉手句如花。

濃香列坐半含醺。拂袖時招蜂蝶羣。怪得海棠開爛漫。  
淡雲微雨過春分。

平章小試亦龔才。竹樹縱橫費剪裁。何事武陵仙世界。  
漁郎一到便歸來。

調仲弟

纔對湘波浣俗顏。扶持殘病乞清閒。浮踪恐惹花枝笑。  
大好城東畫裏山。

戲東雨樓

搏沙聚散有無間肯放春光一日閒不用騎牛強逃酒

百花開處卽深山

來書將騎牛入亂山深處故云

洪恩寺

危樓倚竹不敢上禪堂無復花枝紅山茶一樹高于屋  
都入平林煙靄中

磁州道中

凍雨新晴沙路乾麴塵風漾碧汎瀾疊錢荷葉牽絲荇

宛在螺亭水面看

鄆城書院中榴花四株嬌姁可愛夏初過此小  
坐今不復見矣戲成一絕

鄆城店子半風沙記問街南小駐車前度人來不相見  
紅裙閒却石榴花

僕從多墜馬者口占示之

揚鞭意氣幾無憐一瞬俄生墜馬愁贏得牧童開口笑  
歸田及早學騎牛

題畫士黃獻廷擾靜圖

天魔變相了非真料理蒲團結善因解悟六根清淨旨  
畫禪何處一微塵

浮沈熱劫幾須臾彼岸能超百感無我欲拈花觀自在  
安心成佛要工夫

又題寒香課子續圖

孤山明月又親鉏梅影依然上學初留取寒香傳世澤  
紙窗風雪護藏書

披圖我獨悵西華  
少小趨庭卯角斜  
忍憶一經長日課  
城南老屋萬荷花

東熊雨樓卽疊和無字韻時雨樓將移館定王臺也

定王臺上擁書廚  
定王臺下交唱喁  
螺亭對面小於笠  
竹樹深深見我無

曲闌流水漾菰蒲  
把臂尋詩數撚鬚  
舉網得魚還一笑  
清游兼慰老饕無

灌畦聊代上農夫  
春韭秋菘雨意蘇  
只隔黃花園數武  
肯來常蔽菜根無

好是長沙舊酒徒  
高歌銅斗擊鳴鳴  
綠楊明月尋常景  
比屋能如我輩無

雨榜以移館詩東季眉依韻答之

安排旗鼓上吟臺  
準擬明年結社來  
却憶去年今日事  
菊花唱和要重開

卜居喜近漢時臺  
況有高人襪被來  
酒熟隔籬呼取便



蓬門早向蓼園開

前詩意有未盡書此續東

風流千載闕荒臺難得朱張接武來  
酌酒漢王同一快  
長沙生面有人開

對牀風雨傍高臺預想詩場大敵來  
好語弟兄堅壁壘  
非彫非虎莫輕開

湘潭口號

暮雲亭子接朝雲行過昭潭百里分  
十四年前江口泊

酒樓箏笛不堪聞

曉行

半天寒色警晨鴉  
霜落沙明石徑斜  
野店荒涼人未起  
漫山開徧白茶花

永福舟次

連山潦霧濕戎旃  
夜趁寒灘蚱蜢船  
臥念少游平日語  
一般浪泊跼飛鷺

上元卽事

潯江上下陣雲屯  
自勝紅旗到上元  
安得武襄銅面具  
銀花火樹奪崑崙

絮語春鐙玉漏催  
龍城懷抱幾時開  
解人只有長沙月  
繞膝團樂獻壽杯